



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四七三

寸心樓詩集四十二卷 顧日新撰

一

寸心樓文稿二卷補遺一卷 顧日新撰

三六五

月川未是稟十八卷（文十卷詩四卷公牘四卷） 程含章撰

四九一

序

吾自觀顧劍峯詩而益信歐陽子窮而後工之語得不誣也吾素不識劍峯昨歲汪均之由武昌寄劍峯詩至披吟累日掩卷而慨然曰詩如是蓋工矣焉得見其爲人邪旣而均之猶子星石書來獲知劍峯老而不遇曠慨有古俠士風今年均之昆季來應京兆試訪余掃葉亭寒暄數語輒述劍峯方手訂所爲詩歌欲得先生一言爲快因具道劍峯生平之所處遇余於是乃知其窮余於是乃知其詩之所以工今夫木之生於山也見其干雲焉爾見其蔽日月焉爾及其倅遇風雨震激悲號撼魄驚魂慘悽萬狀而有不能指其爲木者泉之生於

寸心樓詩集

序

一

山也發蒙焉爾溫觸焉爾及其涯流江漢洶湧灝漾一瀉千里陷崇阜摧堅城而有不能指其爲泉者詩生於心不猶是乎蓋劍峯之窮不惟屢躓於名場仕進而已其家庭以及姻戚徒友殆無不有以窮之一言一動自以爲如矩合度而出者而於人之意輒相忤鬱極而後發焉百汰而後見焉故其詩之吐棄凡熟俚詭不常一如其遇之音雖然劍峯老矣沉雄踔厲柳塞悲壯之氣吾知其必猶昔也夫士而不遇天也采藥於山可也賣卜於市可也詘於今未有不傳於後也況又有均之數子者爲之後進廣爲稱述使之必傳乎向之爲劍峯悲歎者至此又且爲劍峯慰且樂矣嘉慶十五年七月朔

日孫齋學人法式善

寸心樓詩集

序

二

序

夫解牛有難易解牛者自審之斲輪有甘苦斲輪者自喻之少陵云得失寸心知不其然哉然彥和有言世遠莫見其面規文輒見其心士衡有言余觀才士之作竊有以得其心譬諸流水高山聽琴聲而契合深厲淺揭聆磬韻而咨嗟僕雖不敏請得論劍峯之詩矣夫在心爲志發言爲詩劍峯氣傲於李故出塵之意多性篤于杜故用世之胸廣坦懷似白故事博而旨宣柔腸似溫故韻流而藻艷包山之下松江之上有小樓焉當夫春雲出岫秋月澄波言鳥朝懽吟蟲夜怨初半落而無偶乍感通而有象條精驚於八極迺思接於千載兀若枯

寸心樓詩集序

木湛若深淵萬塗競萌五藏皆吐或鬱陶於發端或踟躕於終曲或中篇之妙轉或一字之難安雕龍無以喻其工抽繭無以擬其細李賀所以驅心孟郊所以鍊心矣然而人心不同有如其面音實難知知實難逢論甘者忌辛好丹者非素南轅則笑夫北轍東向則昧于西牆况夫憂憂獨造矯矯不羣匠有司契俗無元解此劍峯以寸心名其集乎嗟乎劍峯年將五十客同王祭常是依人交有昌黎不聞薦士吾爲劍峯惜也然而劍峯寸心自足千古也嘉慶十七年八月友人南城會煥

題詞

題寸心樓詩集并引

臯蘭泰維巖

吳郡顧劍峯先生負詩名三十年海內名公碩儒真能知詩者多愛重之今年來楚北與予登黃鶴樓眺晴川閣振筆孤詠不復知世有崔顥其意氣何如也予因索其全集四十餘卷讀之愛其豪篇俊句絡繹紛來夫有如此詩而不與傳世其如後賢之興歎何乃首倡付梓人氏以志一時相與之盛況千百代之讀是詩者知崆峒太白之人與虎阜靈巖之客有文字緣如此矣

寸心樓詩集題詞

吾欲快觀九州四海目中未有之巖壑立志青山比堅確誰知鄂渚相逢顧劍峯巖壑盡入詩篇中君詩何故令人駭且愕遊屐曾經到廬嶽神斤鬼斧削不成全是奇峯怪石入筆作騰躍寸心忽從天外來眼前境界生面開怨誹不形隱風旨理法脫化真天才金鍼處處徧衣鉢風尚所移盡賢達名山著作三十年却爲才高難釋褐珠瑯照席字字光龍跳虎躍鸞飛翔我飢十日太牢享頃刻百怪生枯腸姑蘇臺高望無極知此才人豈易得吾思天地間自有真精神鬼神不能忌運會不能也到時自爾吐光燄如以花葉迎陽春名成乃知李杜與蘇陸當時只作尋常人嗚呼古人一以去形迹散在

青天雲今人幸與我相接那得不以李杜蘇陸先推君

桐城汪鎮光

星石

三十餘年集始成幾多心血爲時合更無蹤跡尋唐宋
那有文章不性情速藻肯誇曹子建真源應接謝宣城
如何一代稱才子偏使長吟了此生

落筆蠶叢到萬重寫來腕底却從容任將情景拈都出
一樣心思語不同山愛武夷皆爲曲妝如西子未妨濃
窮愁莫道真奇福幾箇窮愁句得工

此首用進退格

如此詩篇儻不傳有何虧欠問蒼天鮮於花蕊幽於竹
奇似孤峯靜似泉才大自能兼衆妙名成端可奪前賢
豈知經到鐫梨棗早向文人口徧宣

寸心樓詩集

題詞

二

凡鱗豈易上龍門魴鯉都教化作鯢覺路天將開後輩
拈花我最領微言波濤疏濬知源委枝葉披尋見本根
記得山齋隨夜讀可曾一字不深論

寸心樓詩集卷一

吳郡顧日新劍峯

後刻

圓几

甲午

何年巧匠製團欒入室從人宛轉看列位竟難爭一定
反隅先使舉無端圓筵恰稱天爲幕照席剛宜月作簾
客是留侯能借箸指揮圓陣當登壇

秋日泛舟

清溪一曲鶯爲家泛泛輕橋宛若耶秋水含波明動玉
晚天蒸雨艷成霞船頭月上生人影浦口香來放藕花
唱罷竹枝涼意滿好風吹過柳絲斜

送遠曲

乙未

寸心樓詩集

卷一

一

紀夢

即行抵瀟湘妾枕夢煙雨一陣落花聲不許儂憶汝
半架荼蘼掩羣鈿綠聽風細影娟娟一隻小燕春寒重
纔過江南二月天

海棠

丙申

萬種春光照玉除一株傾國錦應輸不煩絳雪塗王母
亂挽緋袍下蕊珠樂府罷歌三婦豔唐宮添作十眉圖
只緣特色熏香嬾遺議紛紛未肯無

見菱花

人家點空碧艇子剪殘霞水國秋光裏紅菱半著花
農無功

車穀穀水澆澆得水苗生失水人哭秋成上奏官牒
酬神飲福農無功

新正遊虎邱丁酉

闔閭陵寢眞孃墓步履新正第一回萬頃田疇春色早
滿山歌管酒人來碧瑤澗小和水汲白玉花狂帶雪開
能向此間傳幾輩英雄兒女不須哀

蔣園

蔣園舊是我家園家云美別業本名塔影園塔影亭亭尙在門一百餘年人事改篆書畱得古藤根云美工篆刻

海棠梨

花葉自相當無因恨女郎十分寒食候一樹古祠旁嫩

寸心樓詩集卷一

二

絲晴朝雨猩紅學海棠垂垂看結子又是送春忙

七夕

相思不隔萬重山一度填橋一破顏銀浦曉寒烏鵲散
天孫應更憶人間

讀韋左司詩

剗除枝葉畏株在正始音傳澹泊眞讀過左司詩一卷
不知李杜句驚人

題秋意圖

會心淡到倪迂筆滿眼蒼來杜甫詩古木寒烟鴉點點
板橋扶杖獨行時

有強爲百韻詩者作此規之 戊戌

絕無作意但鋪陳百韻何難紙屢伸定是長篇方壽世
淵明已作不傳人

遊天平山

山從寒山來孤峭獨不偶儼如范文正中立排黨友何
年華岳支親孽巨靈手一朵青芙蓉天真脫氛垢循途
躋天梯怪石紛掣肘稍上益錯愕變態隨步有或挽螺
鬟娟或峙山鬼醜拒險熊羆躡躡盤盤磴磴我時對佳
處撫慨良已久細思物理微於此洞八九花馥枝葉妍
泉清土脉厚辟如孺落人胸次羅星斗外觀倘平平中
定無可否此言豈其然有峰似點首

贈章山人 已亥

寸心樓詩集卷二

三

黃鳥啼不已歸臥南山屏林花自開落春風偕與飛

新柳

楊柳有絲意東風日夜吹幽閨不成恨滿鏡畫春眉

春詞

胡蝶憐春草南園日正長東風太無賴吹暖百花香

雨後書齋

穠綠受一應雨止綠更幽幽軒不自知中有新生秋枝
頭蝶欲飛階下泉初流門前響衆屐屋上鳴雙鳩

宮怨

管絃聲裏漏聲長人在昭陽歌舞忙多事監宮勤報語
平明隨輦獵長楊

秋扇

記得炎歊浴後天輕涼一縷借花前齊紈本代秋風職
不道班姬恨棄捐

中秋夜待客至

白雲過庭樹月上西軒明丹桂不見花香與清風生銀
河澹無波含姿影秋城抱琴佇之子微露下前楹

古意

庚子

諫果人間有回甘絕世無贈君青琅玕臨行復躊躇至
味不自達踐質徒區區明悲抱先識俗士蔑後圖安得
同懷儔斤棄芳醴酬

楚人得山雉行路驚鳳凰不惜黃金貴將以獻楚王奄

寸心樓詩集

卷一

四

忽雉云死中途心惶惶精誠不在物上賞相報償何緣

卞和玉反泣荆山旁

綠珠

曲畱絲布澀難吟思重身輕報主深金谷樓前方寸地
生香不碎美人心

紀夢

蒼藤策九節翠閣排連岡過澗雲氣靜迎門花露香中
有古仙人褊襦羽衣裳見客不問姓舉手弄八琅俄成
紫皇曲神慶狎清商鞠臚前致詞願乞還丹方使我後
天老窮刼閱滄桑時時跨白鳳仰笑日月忙仙人無所
咎導予飲玉觴一醉卽不知醒臥青竹牀

貞女歎

孤桐不偶幹幽蘭少雙花貞女嫁失時三十無夫家

題獅子真形圖

形如大鼠而茸尾

旋風一團火光赤中華已無獅子迹偶然應瑞來長安
皮相當時賤朝客牽象自跪虎自伏神物方知異凡族
至威在骨不在形馴擾轉如力不足必以雄偉求形模
巨毋霸作昆陽俘此真鼠子誇鼠輩眇小何如晏大夫
相馬牝牡驪黃外真龍那許葉公繪吾家絕技擅寶光
毋乃同笑龐然大本來真相未易識時至亦難白諱匿
所求非得得非求獅不能言對以臆

張鐵琴招遊靈巖

寸心樓詩集

卷一

五

張子丰標如鶴立睨懸錦帶雙吳鉤乘言忽來訪茅屋
呼我共作西山遊西山靈巖名最著奇石當年紛處處
於今石盡地尚佳古蹟名泉隨所遇西施洞邊春草生
西施去後無人行我來覓得西施迹一點殘陽紅在石
月夜寄洞庭山人

秋山欲奔秋湖寬銀波湧出白玉盤一聲鐵篴下峯頂

騎鶴仙人雲外寒

買舊本唐詩有女郎郭氏印章

繡餘私課勘丹黃小印猶鈴郭密香曾被美人親誦過
閑窗渾帶口脂芳

閒情

閒情賦裏託淵明楚雨含情未是情畢竟倪迂也高士
柳梢一曲小瓊英

舟過山塘看落花 辛丑

通波飛閣出城闕錦纜牙檣接去津多病客逢三月酒
有情花送一年春紅顏短命非無福黃土憐香更勝人
知是鶯閨腸斷處遠山爭學兩眉顰

題程子祠

門館蕭閒俎豆涼我來肅肅乍升堂看花日有三春客
求福人無一炷香隔屋牝牛祠短簿半山絲管弔貞娘
感他庭鳥殷勤甚綠蔭叢中囀夕陽

曉來

寸心樓詩集卷一

六

喚起牕前喚不應負他好鳥學良朋曉來清氣含微日
一樹涼雲似水凝

食蕘

玉盤荷露沁芳鮮徹骨瓊瓏避齒堅誰種秋江碧蓮子
美人不見恨寒煙

遊仙

天邊紅巘鬱嵯峨貴主戎粧小隊過偷拾畫羅書一幅
不知身已屬秋波

悲風獵獵洞庭旁裙袂無完卸耳瑤畢竟寄書人盡肯

三生緣結水仙王

雙鸞小駐碧雲車一別春風老歲華天上人間各何處

空教流水怨桃花

庭蕉葉葉起歌聲酒勝玻璃凍玉盛綠底瀟湘辛苦事
眉端春恨欠分明

題峨眉山圖

三峨在嘉州萬里不可攀畫師縮尋丈蒼然拔眉間骨
立太始雪氣壓中華山吾能爲接子埋名出人寰

六月十八日大風

中夜颶風作大屋如舟動深愁陸爲海吹去人湏洞天
光墨漆黑有燭不能籠掀翻瓦礫飛聲與嘲山恐歸人
平地上蹤跡掃蠅蠓幸謂江湖行免葬魚鼈豕風勢俄
又變走室不走空聞壁似椎來狙擊力士舅母乃欲索

寸心樓詩集卷一

七

人擁被聽狎聲吾猶剛而柔任其落輕重無處不被擊
自頂以至踵尋邑兵百萬無奈昆陽輩平明開戶看拔
木滿街壅

玉簪花

生生虛薄暈輕明玉燕水蟬擬不成恐是賞花諸女醉
逢人私地卻無聲

鳳仙花

小鳳翻翻出宋宮肉紅顏色映綃紅傷春過了傷秋早
一段輕煙細雨中

題桃源圖

避世秦人境輕綃七尺巾谿山幾時綠流水一條紅花

榜來何自仙源去不窮祇今成大道未必隔漁翁

雨中遊滄浪亭

濯纓歌罷釣船回向晚亭陰雪鑑開山雨一園遊屐阻
秋風滿地冷雲來現前花鳥猶陳迹已去衣冠況却灰
不有才人詩力量如何畱得住池臺

擬關山月

明月復明月出自西方向東沒良人昨歲點征行力戰
天山事回鶻回鶻矜驕怒虢虎駭軍殺將從來古一勝
常摧十萬兵百攻難奪尺寸土今年有詔賜將軍國家
偃武先修文將軍奏凱朝震闕天子當陽策大勲放歸
戰士拋弓矢良人不見旋鄉里死生無處問分明明月
寸心樓詩集卷一

八

入閨寒似水

題虎邱玉蘭院壬寅
羽客騷鸞上沈寥珮環紛集太清朝花開春早蘭爲雪
天到山中玉作霄鶴澗仙歸堪結伴眞孃魂老未藏嬌
此間卽是唐昌觀一朵巫雲影不消

蝶

春色醉花煙林端雨後天鳳凰能有種劬禿得無憐斜
日明雙翅新愁管一年韓憑餘恨在莫奏斷魂篇

張菱舟新婚

雙花一氣吐春風減損清吟幾許功想得笑遮紅裏影
翠屏銀燭小房櫺

春愁曲

斜陽澹入春溪水水上人家杏花裏半卷珠簾紅裏垂
燕歸花落東風起香蛾煙潤貼鸞修照影春波未解羞
獨使年年綺閣上伴花無賴伴春愁

艷體

半卷芙蓉帳橫鋪玳瑁筵雨絲銷燕影花氣損蜂年靜
婉初能舞琵琶好上弦春風一相笑不許柳枝眠

野祭

紙錢挂樹作寒食邨酒沿山澆暮雲一樣春風吹得到
紅心草長女郎墳

愁雨

寸心樓詩集卷一

九

誰喚雙鳩屋上啼展聲穿過巷東西如何每到看花約
一雨蕭蕭便作泥

妾薄命

佳人專寵正盛年妾媵不敢簪金鈿暗中排擯外排解
良人猶道持家賢憨癡婢子如黃語密刺陰探作心膂
薔薇花繁有時謝女郎容嬌有時嫁勸爾慎勿爲旁妻
免與他人受彈射

曉起畏熱

日光遲遲枕邊上詩思一宵清夢養眼聞便又落紅塵
冰雪宵中斷幽想好風雖就樹杪生天籟只從空際響
白雲吹散了無痕孤負書牕敞虛朗

橫塘詞

橫塘溪水清不可照人心歡從此溪別斷妾十年音

秋海棠下蝶來

直是悲秋淚無人家漠開晚風籬落下憐汝一飛來

投山家宿

菱葉荷花爛小谿垂楊遠覆綠煙隄一邨殘照下鳥背
半嶺秋雲飛馬蹏暑退人家門早閉客來山館壁新泥
經行隨處緣都好草次杯盤具黍雞

雪珠

雲間忙殺弄珠塵珠戲真過王戲新信到琤琬先報瓦
生成跳脫不猶人珮迎謝氏哦詩女履映梁園獻賦賓

寸心樓詩集卷一

十

畢竟蕊宮無乞相些些十斛也稱珍

讀展太子傳

蠱氣宮中事本虛青蠅已構可何如當時食祿公卿滿
不繼壺關再上書

泉鳩藏匿殉途窮張李題邪漫賞功死節不酬良史在
千秋三字主人公

鄭所南畫蘭

所南蘭草怨瑤華王者香中第一花可惜無雙趙承旨
墨痕狼籍屬元家

寒食過吳氏園

癸卯

賣陽天氣事閒遊畫架秋千一半收笑語忽停金銅鑿

海棠枝外落春毳

遊仙

霓裳舞罷整星冠人影橫陳妒月盤萬仞玉霄虛白鳳
一函金籙注紅鸞青溪居處常嫌獨姑射肌膚本耐寒
一勺露桃花下水可知清淺近蓬壺

曉起

夜雨歇庭樹鳥聲幽隔牕春人睡初足殘燭畱寒缸起
來卷疎簾曉色滋蘭芷敗蝶下數翅宿燕出一雙

石湖贈隱者

且樵且漁且讀耕古人不鄙今人輕青山出林有逸意
白鳥於世無俗情會須湖面種蓮菱坐致秋水生光明

寸心樓詩集卷一

十一

檣頭之船繫門外十里五里溪風清

試後贈姚渭川

酒邊山色燭邊棋暖暖寒寒共護持到得還鄉翻似客
一句相見不多時

觀鬥蟋蟀

奕奕牙鬚氣概雄一鳴爭勝鼓英風聳交楚漢成皋下
盡得秋心是此蟲

放螳

置食近螳穴螳集緣人纓豈不當擊殺念其亦天生霜
風掃庭燕百蟲無一鳴南柯漏微族後死還紛營得飽
豈爲剽豪末何足爭志士貞苦節豈望螻蟻情

墨池園

插架先羅萬卷書墨池園比墨莊居房廊解曲翻宜小
牕網從多亦愛疏修竹瘦於人病起早梅肥在雪晴初
一畝花下從容立呼到堂堂策策魚

過兩崦

甲辰

纖雲如縠卷微風山色沉沉暮靄中乘興扁舟忘近遠
一鉤新月崦西東

夜登青枝山

剛及靈鼉掌一更看花心急且宵行白雲作陣圍人住
不肯山頭放月明

梅花分詠得真韻

寸心樓詩集

卷一

十三

直使諸山青不得排空都作玉嶙峋散來空色逢天女
夢入香雲見化人賦手共傳心鐵石春頭全露雪精神
綠章誰奏東皇曉命署梅花國裏臣

曉起由五峯山復至香雪海

潺潺澗水繞邨莊未見梅花一路香出入巖扉天太早
重重嵐翠濕衣裳

欲曉林光欲雪天寒空一白凍花煙今朝又別花情態
春在虛無縹緲邊

登石壁遇雨

絕無人處故高寒靈境從前在畫看物未忘機松鼠去
目元空世水天寬狂雲奪路山疑動驟雨催詩句不安

底事石牀丹竈畔薜花圓登上欄干有僧庵以蓬盜徒

回舟欲便道登穹窿宋厚庵請先成一詩乃往因

書二十八字

一片濃雲隱眼前側峯橫嶺半遮天好山如此非儂到
可是人間雨不全

登山遇雨

闔閭城西羣山數層雲墮天不肯走一雲欲長諸雲中
雖已墮天與天守登山不異於登雲雲盡天低壓我首
晴雲忽化雨雲起一氣全吳視無有鄧尉山雲來更猛
黑虬雙飛逐人後踏雲下山山動搖不知是雲是山否
半山亭始辨雨點濛濛已覺沾衣久回看蒼帽峯何處

十三

寸心樓詩集

卷一

贈張鐵琴

不和不介不惠夸天榮秀出非凡莢破琴蓄壁室自古
布衣驚衆名未低意氣憐君雲上下文章宏我漢東西
眼中狐白紛同學霜雪甘心踐馬蹏

海棠

隨意雲牕霧閣中卷簾憑檻露春風胭脂不用千金買
偷取深閨兩頰紅

春日書

少年名澹追長孺佳日閒多學隱居酒熟茶香人不到
滿牕花影一牀書

梁間燕

萬事皆後起悅性爲真榮晏然骨月間其樂忘平生悲
歡一體受至質無飾情雌雄紅襟燕追逐梁間鳴急難
各相顧得食不相爭羽物寧自知君子鑑微誠

簾外牡丹

不矜妖冶自丰神轉向殘春見好春遮上繡簾看愈別
香魂初返李夫人

偶成

嬾困任教成午夢清和猶得欸春光暫時習靜福無量
一飯驅饑貧不妨草甲破晴添徑綠竹梢含粉入腮香
莊生胡蝶浮于蟻意味嘗來若箇長

寸心樓詩集卷一

十四

張鐵琴見示近作

新詩不用力意足自成詠向非用功深淺近亦爲病張
君作詩如作畫有筆墨處皆煙霞寧爲不賞毋共賞逸
品間入元人家又如化工手著物氣自華若須處處費
剪刻草不成艸花難花本來作詩無可作纔著經營便
蕭索不見毛詩三百篇不見古詩十九首風格何曾有
定守只如言語發當前萬竅無心天籟全後來詩家務
修飾真氣不存反失色

寄沈雪舫

君是中年我少年相逢意氣却相憐同盤紫陌桃花馬
聽唱春燈燕子箋

雪舫精音律

一卷詩投蕭穎士十千酒費

李青蓮別來落落誰知已夢識尋君練水邊

古鏡

鑄成春鏡照春慵百合花深七匣封伴盡玉人妝閣裏
紅紅白白駐芙蓉

雲水吟

流水何太急飛雲亦不閒我心別有會迥然雲水間結
廬愛美蔭好鳥綿與蠻酒客二三輩清溪八九灣開波
弄早月捉淫姪娥鬟將月共歸去掛月青松關照我坐
蘚石作歌凌仙寰一歌元鶴下三歌雲飛還伴鶴抱雲
臥流水喧潺潺水流終不息雲鶴安能閑放爾雲鶴去
頽仰舒心顏

寸心樓詩集卷一

十五

李仙槎秀才招飲

鑿池取月供秋明一顰風定波不生隴西公子夜宴客
傍月傍水飛豪情我歌子和月解聽我酣子醉月亦醒
因之踏月繞池走芭蕉滴露微有聲其時興發思不眠
水光寫人毛髮全清虛那復似塵世廣寒落地人上天
斜河忽墮斗忽轉涼空亭亭白煙滿

登楞伽山

逸客非驚鴻凌空如有翼不爾翠微寺獨讓閒雲息天
寒木爭槁日午山異色一縷起炊煙疏林青忽織

鳴箏怨

玉龍弔月吟水精洪波四起天爲驚鬼工和之擊鬼骨

慘入陰風立人髮林長野曠煙霧白寒影森森僵古柏
沉冤萬劫洗無存一聲雞唱開日輪

讀小青傳因感毛太史曼殊事作

竟因無奈索圖焚身後空勞哭負君得似曼殊夫婿否
金樽爲換飲時裙

織阿

冰輪歷劫御纖阿細傾霓裳桂下歌靈藥不曾霑后羿
一生嬌小伴姮娥

東鄰

碧桃花放過牆枝報與東鄰蜂蝶知倚著隔帷人病處
手扶牀柱起居時

寸心樓詩集卷一

二六

試將低語喚卿卿兩朵紅酥逐日生從此相思紅豆樹
種伊方寸不分明

幽期要有福能消芳訊頻通轉寂寥憐煞秋波纔一寸
爲儂傳怨又傳嬌

芭蕉葉展動新涼吹遞幽蘭一鬢香情思太多言語少
誤人偏是十分莊

自從一別隔花時骨似香桃瘦怎支擬託東風似儂意
替吹心事與君知

明明如月照花魂道是無痕又有痕多分別人知不得
沾渠身已怕開言

遊寒山宮

翠微不鎖童初府疊澗連雲逐望開樹頂綠盤千嶂入
馬頭紅逼萬花來狂時喚仗攜筇待佳處逢僧曳杖陪
不見當年陸卿子蓮鈞無迹問蒼苔

遊天平山遂窮上白雲之勝

天平天失險峯峭爭譎變一箇機械心披裂衆人見眉
崖嵌僧寮就地占形便累疊蜂房懸戢戢蠅壤莫審曲
補亭閣面觀正臺殿乳泉泄山壘亘古曳白練清池錦
石間花竹遞豐倩其高不干雲淩半足已倦其廣不數
里初未可徧歷此那知波及彼此難賤一步一改觀
一石一生面意中罕譬窮理外天巧現來積景彌新境
盡目還總有言歎觀止無術可豪擅如何好瞰壑登踐

寸心樓詩集卷一

七

寡時彥嗤彼浮慕子與馬繞流電終然仰蓮花
拈一片苔滑吉莫韓峽礙瓊玉弁扼以一綫天纔升苦
昏眩豈非濁骨重山靈故善譴平生例文章下筆怕與
衍

子夜

子夜歌聲急殷勤猶費詞直將思怨泯始是兩心知
歎向燈前泣看儂更憶誰燭花雙蕊結心熱不相知

哭張鐵琴

不許朝陽有鳳鳴崑岡玉碎萬人驚奇才乃喪孔文舉
狂士偏留禍正平沒世聲名憑後死出羣鸞鶴本孤生
一盂麥飯何人薦

鐵琴先喪妻于槍殺他年故舊情

讀嶠雅

偽才鍾南服，厄彼百六期。柚毫宣幽憤，韜迹垂文詞。虞淵淪夕鳥，若木化枯枝。騷人思公子，天遠紆雲旗。知音邈八埏，孤抱青琴嬉。譚孌天人流，避仇得所依。曷不竟息影，攬轡解山栢。舉世燕巢幕，君亦鴻漸逵。羽儀用非時，鍛閉潛既機。

食戒

秋蓮生水面，蓮房託花中。中有綠玉子，裹以衣重重。采之不八饌，棄擲供兒童。蒸菌出糞壤，盛飾顏色紅。實絲充鼎鼐，珍貴誇愚聾。輕食不戒葷，乃與野葛同。害大譽轉美，事過情復蒙。不見鱖鮓魚，且感蘇長公。

寸心樓詩集卷一

九

畫虎行

滄縣包冢世畫虎，虎腕底腥腐。一千古，汝今是彼幾葉孫。尙把於菟視，如鼠柔毫寫出剛。險姿心中無虎筆，有之當時若作巫。人想勁氣不八毫中馳，但思人間此害已不少。那可筆鋒再去補牙爪，伯時畫馬尙六之未墮業。輪儻須早。

寸心樓詩集卷二

吳郡顧日新劍峯一名後賜

擬將軍行

百般無過軍中樂，繡纛牙旗紅錦幕。將軍有令動如山，十萬貔貅一喙諾。邊塵小扇無諸方，漢帝憂勤御未央。殿前推轂不中制，寶劍新封七尺霜。上公爵命增威重，文武移符無不統。節使郊迎負弩矢，詞臣驛走諛歌頌。家財未散能得士，隨手黃金糞土視。指揮入敵陣，雲遙駐馬名城百無事。散花天女乞維摩，一坐刀光耀綺羅。巨羅細領葡萄意，巧笑都消兵氣和。轅門統統聲震鼓，教戰吳宮習武舞。歌場纔罷續毬場，衛霍由來恃肺腑。

寸心樓詩集卷二

一

國威久使華，夸懾恩在羣。心命如葉功，成增邑畫雲臺。李廣無言血自喋。

花山秋夜

繁星嵌天如列棋，姮娥一掃光無遺。空山氣涼先得月，露花飛溼青桂枝。老僧歡喜開戶出，我亦不眠學吳質。雲間月，月不畱，樹影東移上禪室。

紀夢

秋水白，秋空秋山秋水東。蘆花銜片月，送我羽人宮。

弔張鐵琴墓丙午

柘酒澆墳土，不知非關骨。月淚絲絲齊，名會忝劉公。幹思舊徒爲向子，期短碣臨春苔。沒字病松因雨蠹，傷枝。

想予更比君羸甚到此悲君得幾時

白布長衫紫領巾選之灑然冰玉是丰神幾曾想到有

今日元不應生如此人任運淵明無外擾逢時諸葛許前身野棠不管何才子一創新紅照墓石

寒食出遊

相約春遊減曉眠人人分挂杖頭錢桃花燒破江邨路不道今朝是禁煙

看放紙鳶

綠楊枝外最輕身豈易因風便絕塵扶上雲霄還未穩飛騰已似不須人

明妃

寸心樓詩集卷二

二

誰使三千女紅顏盡不如無鹽天下醜幾見嫁穹廬

春殘

病眼逢春春已殘小軒凭徧曲闌干槐陰匝地晚晴怯柳絮上簾清晝寒

老鴟

老鴟撲撲翻暮沙挾鼠猜鷄紛自譁妖巫憑之張禍福惡聲向人忘凶邪兒童拈彈不敢逐割肉喂汝誰疵瑕空山孤鶴困飲啄避君增繳長咨嗟

德政碑

德政巍巍例有碑賢良論定故當誰樂天名共章郎重去郡惟傳贈伎詩

釣魚

慷慨任公子釣魚東海水巨綸投長虹五十犢爲餌期年不得魚得魚饜千里當時若志小所務在魴鯉亦復得所求不過給甘旨穴蠹負半黍暢然心已喜道逢羣雞來不屑下其背量分願自殊效速事足鄙壯士窮則已所就世孰比

若邪溪詞

謂可長相守雙飛住若邪送君溪上月秋藕已全花邪溪三月水楊柳萬條烟折盡垂楊柳春光又一年

採菱詞

採菱女兒歸渡頭白波淼淼無行舟東風吹雨菱絲淫

寸心樓詩集卷二

三

寫出南湖一片秋

同人詠新月

狼藉殘雲掃不存碧圓纖月印黃昏開通元寶新模鑄文德尖尖舊爪痕

靈巖山望太湖

洞庭七十二峯秋都到琴臺最上頭吳越興亡爭一水煙波分台占三州鴟夷去國無歸棹張碩逢仙有好迷聞說居人種花果歲收霜橘抵封侯

畢園

愛書愛士有餘閒愛石來投宿霞間一徑闢開芳艸路半峯分得夕陽山盛時麋鹿皆符瑞國中畜彈指樓臺

出妙髮我替中丞思布置盡將疎秀易巖頑

詠史

脫下兜鍪伏質鉢貴臣失意構譏誣人將生死資磐石
城與存亡奏蠟書王濟有功難自理曲端無罪竟遭誅
明珠薏苡如何辨似水臣心總不污

送陳立方之雲南

蠻山慘碧蠻烟白深箐重重斷人迹傾崖吐月月如璧
照此孤行之遠客寒風颯颯虎豹飢豎毛髮今山魃嘯

詠刀

秋水澄澄不作波孟勞寶貴費摩挲平來意氣仇羞報
銷盡烽煙續尙磨世上爭爲割雞用眼中惟覺亂絲多

寸心樓詩集

卷二

四

及鋒一試應無比錄錄鉛刀奈汝何

息嬌

破家亡國事堪矜一死鴻毛底未能聞說不言心報息
未亡人爲楚王稱

唐花

一檄催花火速開黃蜂未解繞池臺牡丹不是眞強項
雪壓流霞萬萬堆
春闈技頭自不禁東皇長養意元深特書桃李花冬片
一筆麟經天地心

治平寺訪圓上人

丁未

上人卓錫古香林湖上歡攜兩槩尋雲吐白毫當佛頂

花飛春臉試禪心客來似我能留宿到處逢山總愛深
怪得澗明暱蓮社無弦還有澗邊琴

山塘花市歌

山塘人家徧種花花時七里飛明霞一朱勔甌宋天子
子孫猶廢桑與麻達官城中開曉筵珠行玉立皆神仙
無端粉黛視塵土欲將傾國求天然萬錢不惜聘紅紫
珊瑚入手爭芳鮮嬋娟趾豸春風前坐中賓客同雷顛
衆香迷射蘭麝延酒酣欲藉花爲眠別有冶遊俊裝束
變童伎女攜雙玉人到花邊花不分花圍人外人爭目
今年已故復明年聲價赫赫然長艸木種花得錢矜共語
從此花風沿處處回頭笑向農桑人何不相隨種花去

寸心樓詩集

卷二

五

虎邱有訪

遠山開雨黛初舒遠水籠烟玉不如行盡樓臺三百六
碧桃花下美人居

遊戈園

水長低村岸雲晴散午雷鳥能呼客至春不擇花開地
窄徑全曲樓高山大來瓜廬添築箇長此傍池臺

送屠菊邨少府之官鬱林

西粵江山險粵東卑栖寧負出羣雄百僚位底多才子
萬里天南送此翁勾漏琴裝仙髻白伏波營壘野花紅
莫嫌蠻府參軍陋飽飯官齋喻雪鴻
扣釵搖女蝶綃裙銅鼓聲高揭嶺雲赤雅事煩尋往代